

毛

詩

原

解

毛詩原解卷二十七

生民之什

自此至板凡十篇內卷阿以上八篇成王時詩民勞以下終蕩之什皆變雅也

厥初生民時維姜嫄叶生民如何克禋克祀叶以弗無

子履帝武敏叶歆攸介攸止載震載風叶載生載育叶

時維后稷○誕彌厥月先生如達塔不圻葉不副叶無

畱無害叶以赫厥靈上帝不寧不康禋祀叶居然生子

○誕寔至之隘巷牛羊腓肥字之誕寔之平林會伐平

林誕寔之寒水鳥覆去聲翼異之鳥乃去矣后稷呱孤

矣。實覃實訐。叶去聲。厥聲載路。○誕實訥訥。克岐。其克疑。

亦以就口食。蓺之荏菹。荏菹。禾後稷。穠麻。麥。蒙。蒙。

猛瓜。瓠。嗒。嗒。上叶聲。○誕后稷之穡。有相。去聲。之道。倒。弗厥

豐草。種之黃茂。叶實方實苞。實種實褒。叶實發實秀。實

堅實好實。穎實栗。卽有邵家室。○誕降嘉種。維秬維秠。

維糜。門維芑。起恆。豆之秬秠。是穫是畝。叶恆之糜芑。是

任。是負。叶以歸肇祀。叶○誕我祀如何。或春或揄。由或

簸或蹂。釋之叟叟。搜烝之浮浮。載謀載惟。取蕭祭脂。取

粢以載。叶載燔載烈。以興嗣歲。叶○卬。昂盛。成于豆。于

豆。于登其香。始升。上帝居歆。胡臭亶時。叶后稷肇祀。叶

庶無罪悔以迄于今

與欲

古序曰。生民尊祖也。毛公曰。后稷生於姜嫄。文武之功。起於后稷。故推以配天焉。○此詩周公相成王。制禮樂。推后稷配天。敘其功德之隆。見配饗之宜。非祭祀之樂歌。樂歌則周頌思文也。○一章我周民始生。實維姜嫄。姜嫄生周民如何。昔爲高辛帝之妃。禋祀高禘。以祓除無子。於時上帝降跡。姜嫄履其拇。歆然感動於郊間。所止之處。載震有身。載夙及期。載生而產。載育而養。是我祖后稷所由出也。○二章姜嫄感帝武之祥。彌滿十月。首生后稷。其易如達。不坼裂。不破副。

無菑病無戕害以顯其靈異上帝豈不安寧豈不康
享前日之禋祀使無人道而徒然生是子也○三章無
人道生子駭以爲不祥乃棄寘隘巷之中牛羊過者
以足拊字之不踐踏也怪而移之平茂之林會有人
來伐平林者乃棄之寒冰之上有鳥以羽蓋而護之
於是始知其爲異兒也將往收之鳥乃飛去后稷呱
然而泣其聲覃長訐大載滿道路經歷多難而神氣
不損所謂天授也○四章方其爲孩提手足匍匐並行
稍長岐嶷然能行立旣免乳就口自食遂爲種植之
事種大豆之荏菽則旆旆然枝旗揚起種禾則行列

穰穰然多穗種麻麥則幪幪然茂密種瓜瓠則嗶嗶然多實蓋幼而天性生知矣○軀及其壯也堯命爲稷有輔相造化之道教民耕稼先弗除鹽茂之草後擇種之色黃而茂生者種之實方而齊畝實苞而茂密實種而初播實褻而遂長實發而生莖實秀而吐穗實堅而粒漸滿實好而無災害實穎而穗垂實粟而不秕教民有功堯乃卽姜嫄母家之邠國封稷以爲家室焉○六章稷旣封邠乃啓廟祀誕降嘉種耕助以供御廩有黑黍之秬中有一稗二米之秠有赤粱粟之麋有白粱粟之芑徧種秬秠旣成而獲計之以

畝徧種糜芑既成而肩任背負以歸爲粢盛酒醴周
之廟祀自此始矣○韋有邵肇祀其禮如何嘉種既
歸納于臼以舂既舂矣揄米出臼簸揚其糠又蹂禾
取穀繼之米成而浙以水其聲叟叟烝以釜甑其氣
浮浮爲粢盛酒醴者備矣其將祭也載謀而禮無不
議載惟而慮無不周敬之至也取蕭脂焚之升臭以
祭宗廟取牡羊以較祭行道之神內外之祀皆舉矣
取肉著火而燔之炙于火而烈之薦獻之物備矣脩
今年之祀所以興起來年嗣續于不替也○韋卽今
王業維新南郊之祀尊稷以配天盛苴醢于木豆盛

大羹于瓦登大饗貴質也馨香之氣方升上帝卽安饗之是何芳臭之薦誠得其時乎所以致居歆者不在芳臭也蓋自我后稷封邠始祀有相之功克配彼天庶無罪過悔恨以至今日矣居歆之速豈偶然哉○時是也姜姓嫫名帝嚳高辛氏之妃有邠氏女弗言祓也除不祥曰祓祓無子求有子也古者春分玄鳥至天子率後宮郊祀高禘祈嗣也帝天帝也武足跡也敏作拇大指也歆動也介閒也止立也震娠通有身而震動也夙宿通息也靜以待十月之期也誕發語辭彌滿也滿十月也先生初生也達通也或作

牽羊子易生也。坼裂也。副劈通破也。居然徒然也。無人道而徒生也。寘與置同。腓肘也。字愛也。覆翼以羽翼。覆蓋之也。林茂則平。姜嫄以春分孕。彌月生。正寒冰之時也。呱兒啼聲。覃長也。訐大也。匍匐手足並行也。岐嶷始行立之貌。就口食自取食就口不須乳哺也。蓺荏菹以下四種皆兒嬉之事。蓺種也。荏菹大豆一名戎菽。禾役禾之行列。穠穗也。嗶嗶小瓜貌相助也。言贊化育也。莠去也。豐草茂草也。黃茂嘉穀也。黃土色。洪範云土爰稼穡五穀色多黃。茂易生也。方齊等也。種播種也。裒裒通長也。穎穗末垂也。粟粒飽滿。

也。邵姜嫫母家降嘉種樹藝以供祭祀也。秬黑黍。秠
卽黑黍一稗二米者也。糜赤粱粟。芑白粱粟。黍以爲
酒醴。粱以爲粢。盛恆與互同。竟也。謂徧種也。考工記
弓人云恆角而達與此恆同。掬取米出臼也。蹂踐禾
取穀也。釋水洮米也。謀卜日之類。惟擇士之類。言謀
慮思惟無所不戒備也。羝牡羊祭行神曰軼。遠行跋
山。封土爲神主。象山祭畢以車轆其上而過。示無險
難也。嗣歲繼今以後之歲。卽我也。木曰豆。以盛菹醢。
瓦曰登。以盛大羹。胡何也。臭香也。亶信也。時善也。迄
至也。○按姜嫫感帝武之祥而生稷。其事近誕。故毛

傳謂帝爲帝嚳姜嫄從帝嚳郊祀履嚳之武而將事
齊敏遂歆然有身此說雖似然詩敘無父被棄之事
甚明稷所以得名棄者以此詩不頌帝嚳而推本姜
嫄正明其無父耳如以帝爲嚳則魯頌閟宮亦云上
帝是依豈亦嚳乎事之有無雖不可知而詩本神其
事難別作解也

生民八章四章章十句四章章八句○舊本第三章
八句第四章十句朱傳改第三章十句第四章八句
今從之

敦

彼行葦牛羊勿踐履方苞方體維葉泥泥叶補戚戚

兄弟莫遠其爾○或肆之筵或授之几則肆筵設席授

几有緝御語叶○或獻或酢作洗爵奠饌假角醢醢以

薦爵叶或燔或炙灼叶嘉穀脾皮臠覺或歌或謦惡○敦弓

既堅斤叶四鍤既鈞舍聲上矢既均序賓以賢勤叶○敦弓既

句如既挾夾四鍤四鍤如樹葉序賓以不侮○曾孫維

主酒醴維醕乳酌以大斗以祈黃耆○黃耆台背以引

以翼壽考維祺以介景福必叶

古序曰行葦忠厚也毛公曰周家忠厚仁及草木故

能內睦九族外尊事黃耆養老乞言以成其福祿焉

○朱子改爲祭畢而燕父兄耆老之詩謂序不知此

序

興之體與全詩本義但見勿踐行葦便謂仁及草木
但見戚戚兄弟便謂睦九族但見黃耇便謂養老但
見祈黃耇便謂乞言但見介爾景福便謂成福祿隨
文生意無復倫理此說非也蓋古序惟首一句而毛
公揅括詩中語發明首句忠厚之意詩雖不主仁及
草木而以行葦比則草木也雖未嘗專爲養老乞言
而已有優高年領教誨之意推廣而言未爲不可六
經唯詩言可旁通性情之旨悠緩含蓄與他文字根
株不移者殊科毛氏深得解而古序簡約周道親親
故但曰忠厚如朱傳燕父兄耆老詩中已具成贊語

矣其以行輩比者古路在井間旁近溝洫多生蘆荻
牛羊往來踐踏故以爲比朱子誤以爲無義之興非
序之咎○章一敦然聚生道旁之蘆輩勿使牛羊踐踏
則並茁而成叢並體而成莖新生之葉泥泥然柔澤
矣兄弟本同一氣戚戚親愛莫遠具近則同氣相依
自不至間隔矣○章二兄弟旣集或陳之筵以坐或授
之几以依旣肆筵於地又加席於筵旣授之几又續
之侍御所以安其體供其使令者無弗備也○章三登
筵之後主人酌酒獻賓賓卒爵更酢主人主人卒飲
又洗爵酬賓賓受而不飲奠其斝焉其薦有多汁之

醢有肉醬之醢或以肉傅火而燔或以肝近火而炙其美殺有胃屬之脾口肉之臠其樂或比琴瑟而歌或徒擊鼓而嘏也○章四燕必有射雕畫之弓旣勁射必四矢四矢之鏃旣調四矢皆舍彼我均中則次序衆賓以中多者爲賢而飲其不賢也○章五敦弓旣句而引滿四矢旣挾而盡發皆如手樹侯中彼此巧力相當則序次衆賓以不陵侮者爲賢而飲不賢也○章六射禮旣畢卽席終燕主燕者本宗之會孫也其酒醴味厚而醕用長柄之大斗挹酒以酌兄弟中之黃耆於是語於是道古而求其教誨也○杜黃髮耆儂

老背有鮐文年高而德邵告曾孫以善道引導輔翼
使曾孫壽考吉祥助之以大福也○敦團聚也行路
也葦蘆也方齊也體幹也泥泥新葉柔潤也肆陳也
鋪觀曰筵藉之曰席筵迫地席加於筵上也几所以
憑緝不絕也御侍也謂更僕也學爵類奠置也醢醢
汁也醢肉醬也脾肚屬膜口上肉也口下曰函歌比
於琴瑟琴徒擊鼓也敦追通雕也天子之弓雕畫鏤
矢之有鏤者鈞均通調也矢前有鏤重三分其矢一
在前二在後乃均調也旣鈞兩人皆中也賢勝也句
與穀通引滿也兩物夾一曰挾矢上弦夾於大二指

間謂之挾禮每射四矢措三矢於帶間挾一矢以發
又挾至四矢皆挾則盡發矣如樹如以手植侯中言
巧也不侮謂不倨傲也曾孫宗子之稱成王也醜厚
也大斗大杓也柄長三尺所以挹酒祈求教也燕禮
於旅酬時乃相語樂記云於是語於是道古求教誨
於老人也台作駘莊子有哀駘駘老人病僂之狀或
曰背有紋如鮐魚也

行葦七章二章章六句五章章四句○按鄭箋作八
章章四句朱傳作四章章八句今從毛

旣醉以酒旣飽以德君子萬年介爾景福北叶○旣醉以

酒爾歆既將。君子萬年。介爾昭明。叶○昭明有融。高朗

令終。令終有俶。叔公尸嘉告。谷○其告維何。邊豆靜嘉。

戈朋友攸攝。攝以威儀。叶○威儀孔時。叶君子有孝子。

孝子不匱。永錫爾類。○其類維何。室家之壺。四君子萬

年永錫。作胤引○其胤維何。天被爾祿。君子萬年。景命

有僕。○其僕維何。釐離爾女士。釐爾女士。從以孫子。

古序曰。既醉太平也。毛公曰。醉酒飽德。人有士君子

之行焉。○朱子改爲父兄答行輩。非也。成王之世。周

道綦隆。朝野安寧。祭祀以時。燕饗以禮。君臣相悅。臣

子願君昭明其德。景福萬年。室家咸宜。胤祚永昌。所

以爲太平祝頌而寓箴規也然詩實因祭祀燕飲作而序不及何也正大雅與正小雅異正小雅記先王善政正大雅表先王君德故小雅序事大雅序義詩言醉飽卽燕飲言尸告卽祭祀故序不復贅但約其義而毛公以明良相悅濟濟多士釋太平之義亦不及祭祀獲福者詩志不主祭祀也朱子謂爲孟子斷章所誤過矣蓋忠厚莫先於親親故有行葦太平莫樂於燕飲故有旣醉守成莫重於宗廟故有芣騶序各有攸當也○第一君子燕飲旣醉我以酒其恩誼篤厚又飽我以德朝廷清穆天下和平今固有景福矣

願君子萬年。助爾光大之福。如一日焉。○二既醉以
酒。爾殽既進。天下無事。君臣和樂。非脩德莫享此願。
君子萬年。介爾昭明之德。以求此福也。○三君子德
之。昭明必進。于有融。欲淨理還。勿遺瑕類可也。高明
必期于善終。日新不已。勿或昏怠可也。冲人嗣服。清
明未染。所謂善終者。已有其始祖考。居歆公尸。以吉
祥告。今終可知矣。○四告以吉祥。維何。君子奉祭。遵
豆之物。清淨嘉美。王之臣隣。爲朋友者。助攝祀事。皆
有嚴恪之威儀。是君臣同德也。○五朋友威儀。既甚
宜。君子又有仁孝之子。助獻孝子。繼君子之誠意。不

竭父子君臣同心感格故永錫爾以衆善之類也○

六章錫類維何室家宮壺之中和氣孕毓之地君子萬

年永錫爾福祿與子孫祚胤兩全也○七章其胤維何

有子孫無福祿其胤不全錫爾以胤必被爾以福祿

使君子萬年大命於子孫僕屬是錫爾以胤之類也

○八章命僕維何有福祿無子孫其祚不全錫爾以祚

必先予爾以女之若士者使孫子隨之是錫爾以祚

之類也如是則太平之福萬年今終矣○介助也景

光大也昭明明德也融明無雜也高朗猶高明也倣

始也公尸尸之尊稱嘉告以吉祥告卽嘏辭也靜嘉

清潔而美也。朋友指賓客助祭者。攝助也。孝子君嗣也。禮特牲饋食獻尸畢。將旅酬。主人嗣子入。舉奠是也。不匱不窮也。類善也。壺與閭。通宮中之巷也。祚福也。胤子孫也。僕附屬也。釐予也。女士女賢如士者。從隨也。

既醉八章章四句

鳧

扶木

鷖木在渥。公尸來燕來寧。爾酒既清。爾殽既馨。公

尸燕飲。福祿來成。

○鳧鷖在沙

叶

公尸來燕來宜

叶

爾酒既多。爾殽既嘉

叶

公尸燕飲。福祿來爲

叶

○鳧鷖在

渚。公尸來燕來處。爾酒既清。爾殽伊脯。公尸燕飲。福祿

來下

叶

○鳧鷖在藻業公尸來燕來宗既燕于宗福祿

攸降

叶

公尸燕飲福祿來崇○鳧鷖在壺門公尸來止

熏熏旨酒欣欣燔炙芬芬公尸燕飲無有後艱

勣

古序曰鳧鷖守成也毛公曰太平之君子能持盈守

成神祇祖考安樂之也○朱子改爲祭之明日繹而

賓尸之樂非也祭而賓尸常禮詩旣言燕尸矣故序

不復贅但表其守成以志周道之盛王者所承事莫

大於神祇祖考夫天下有道九廟安妥百神效靈公尸

醉飽則孝子之守成可知矣鳧鷖性謹愿江湖泳游

有安樂之象鳧鷖之言負宸在涇之言在京以比守

成鳧善沒鷺善浮有變化出沒之象以比鬼神天曰
神地曰祇公尸者神祇祖考之所依公尸安卽神祇
祖考安神祇祖考安卽持盈守成之效矣內外非一
祭祭非一尸首意鳧鷺在運動而浮象天神之尸也
天主氣故曰清曰馨天生故曰成二章在沙靜而宿
象地祇之尸也地主形故曰多曰嘉地作故曰爲三
章在渚渚小丘象山山川社稷之尸也主蓄儲故曰湑
脯禮卑天地故曰下四章在淥衆也象羣主九廟之
尸也故曰宗烝嘗備禮故不言酒殽上祀禮尊故曰
崇五章在廔門也凡繹皆于門每歲春夏門尸有專

祭是五祀之尸也。小祀尚飲食故曰欣曰芬。禮尤卑故曰後不言福祿。天子之福祿非戶竈門行所得司也。無艱而已。歷舉公尸見百神懷柔序所以謂之神祇祖考安樂此也。鄭說彷彿而未盡。朱傳則憤憤耳矣。○章 鳧鷖在涇浮而助者陽之靈公尸率神而從天猶此也。今者來燕不既安寧乎。爾酒清醑馨與公尸燕飲神其以福祿來成就爾矣。○二 鳧鷖在沙沈而靜者陰之靈公尸居鬼而從地猶此也。今者來燕不既得宜乎。爾酒多醑嘉以與公尸燕飲其以福祿助爾矣。○章 鳧鷖在渚飲啄得所山川諸材社稷養

民公尸象之猶此也。今者來燕不亦安處乎。爾酒既
滑。爾殽既脯。以與公尸燕飲。則福祿下積。國家受賜
矣。○四章鳧鷖在衆水之會。則羣集矣。九世之廟。公尸
聚而來燕。其禮不既尊乎。向者薦獻既燕于宗廟而
降福。今繹行燕飲。福祿之來益增崇矣。○五章鳧鷖在
兩岸之門。得所止矣。五祀有門戶之祭。而繹行於門
外。亦猶是也。公尸來止。熏熏和樂。旨酒欣美。燔炙芬
香。公尸燕飲。百神咸悅。永無後艱矣。○六章鳧野鴨鷖鷗
也。一名水鷄。涇水名。公尸尸之尊稱。來燕來作賓于
廟門外也。爾皆指王宜安也。滑。泔酒去糟也。漋。衆水

會也來宗尊也于宗廟也燕于宗祭受薦獻也臺門
通水流峽中兩岸如門也

鳧鷖五章章六句

假

嘉洛

樂

君子

則

顯顯

令德

宜民

宜人

受祿

于天

叶

保

右命

叶

之自

天申

之○

千祿

百福

必

子孫

千億

穆穆

皇

皇宜

君宜

王不

愆不

忘率

由舊

章○

威儀

抑抑

德音

秩

秩無怨無惡

去聲

率由

羣匹

受福

無疆

四方

之綱

○之綱

之綱

之紀燕及朋友

叶

以百

辟卿

士媚

于天

子不

解

懈

于位

民之攸暨

序曰

假樂

嘉成

王也○

朱子

改爲

公尸

答鳧鷖

非

非

非

也詩本美成王而序不言美者美刺詩之變也至德
無稱故正風雅無美刺序言嘉取篇首嘉樂以括全
詩之義猶漢廣言德廣蕩蕩上帝言天下蕩蕩斷章
取義也○章嘉哉可樂之君子有顯顯昭明之美德
能宜在下之民而百姓安宜在位之人而百官悅以
是受福祿于天保安之右助之錫命之反覆重申之
無已也○章君子有令德以干天祿而得百福子孫
之多至于千億莫不穆穆然敬皇皇然美宜其爲君
宜其爲王不愆過不遺忘以率由祖考之舊法是君
子令德宜子孫也○章君子之威儀抑抑然愼密德

音秩秩然有常能無私怨無作惡虛心以率從羣賢
故受福無疆爲四方所繫屬也○韜總攬百度綱焉
而政無不張紀焉而事無不理明主勵精于上故寮
案無事臣隣從容外而百辟內而卿士欣逢盛世媚
愛明主陳力効忠不敢懈惰民亦賴以休息矣○假
升也通作嘉尚也美辭禮記中庸篇引此詩作嘉樂
是也穆穆敬也皇皇美也宜君支庶也宜王嫡嗣也
率由羣匹信從善類也燕安也暨與暨通息也

假樂四章章六句○此詩或分六章章四句因舊解
穆穆皇皇抑抑秩秩等語或作子孫或作成王不類

故疑分章之誤。謂不愆不忘。率由舊章。無怨無惡。率由羣匹。兩對語。似皆指成王。今按宜君明是子孫之爲。支庶者。不愆不忘。率舊章。正其丁孫事。仍舊四章。爲是朱註併成儀抑抑二章俱作稱願嫡嗣解。則牽強矣。

毛詩原解卷二十七終

毛詩原解卷二十八

篤公劉匪居匪康廼場亦廼疆廼積廼倉廼裹餼糧于

橐于囊思輯用光弓矢斯張干戈戚揚爰方啓行枕叶○

篤公劉于胥斯原既庶既繁既順廼宣而無永嘆叶陟

則在嶽叶假言復降在原何以舟叶之維玉及瑤鞞丙璫

聲上容刀○篤公劉逝彼百泉瞻彼溥原廼陟南岡乃

覲于京叶京師之野叶于時處處于時廬旅于時言言

于時語語○篤公劉于京斯依蹢躅濟濟聲上俾筵俾几

既登乃依叶乃造其曹執豕于牢酌之用匏食嗣之飲

印叶之君之宗叶之○篤公劉既溥既長既景乃岡相其

陰陽觀其流泉其軍三單叶丹度其隰原徹田為糧度

其夕陽幽居允荒○篤公劉于豳斯館叶黃涉渭為亂取

厲取鍛段止基廼理爰衆爰有叶夾其皇澗邇素其過

澗止旅廼密叶勣去聲之卽

古序曰公劉召康公戒成王也毛公曰成王將蒞政

戒以民事美公劉之厚於民而獻是詩也○周自后

稷當唐虞時受封于邠至夏中衰棄稷不務后稷之

孫不窋地失其世官竄於西戎不窋之孫公劉復脩

世業始營豳居是周之始造也召公歌其事示嗣王

使勿忘先業猶周公之誅七月也○章立國之道淳

固則可久。佻薄則易壞。篤實哉。我祖公劉之爲君。當
草昧之初。匪敢居處。匪敢安康。乃場疆以治其田。廼
積倉以儲其粟。乃裹其乾餼米糧。于小橐大囊。思安
輯其民。光顯其國。乃張弓矢。干盾戈戟。戚斧揚鉞。始
自郇啓行。遷于豳焉。○二篤實哉。公劉往相此豳之
原。從者繁庶。皆情順喜。遷布散宜居。無有不樂。而永
嘆者。旣陟山頂之巖。以望形勢。復下廣平之原。以察
邑居。身所舟帶何物。維玉與瑤。佩刀有鞞。鞞上飾琫
而刀有戣。武之容也。○三篤實哉。公劉將營度邑居。
往彼百泉。察衆水所聚。以瞻廣原。升南山之岡。以觀

高丘之京卽此京丘衆聚之野作民居以處其處作
客舍以廬其旅將施教令而言其言將議政事而語
其語也○四章篤實哉公剏宮室旣成乃于京師依然
安居羣臣踴踴濟濟使肆之筵使設之几旣登其筵
乃依其几乃造牧羣執豕于牢敎用特牲從其儉也
酌用匏器尚其質也食之以饌飲之以酒異姓則爲
之君同姓則爲之宗情洽而分辨也○五章篤實哉公
劉營建旣畢則壤定賦是時闢地旣廣且長乃揆日
影以辨東西南北升高岡以相陰陽向背觀流泉以
察水利灌溉使民家出一人以供征役足大國三軍

大雅

也。未嘆長嘆也。嶽山頂也。舟帶也。瑤美玉也。韞韞同。
刀鞘也。琫鞘上飾容刀。武容之刀。禮曰戎容暨暨。或
曰飾也。或曰藏也。百泉衆流也。溥原廣原。京高丘也。
師衆也。處居民也。廬寄居也。旅賓旅也。言教令也。語
謀議也。依安也。造適也。曹羣也。牢養豕處饗以大牢
而用豕。新國殺禮也。宗尊也。景考日景也。曠野之地。
視日景乃知方向也。岡登山岡也。陰陽地寒煖也。三
三軍也。單盡也。每家出一人。家家盡出。賦役均也。猶
周頌言單厥心。禮郊特牲言社事單出里。大傳言戚
單于下。祭義言歲既單。皆盡也。隰下濕也。山之西曰

夕陽幽在梁山西荒大也館客舍也亂舟之絕流橫
渡者禹貢曰亂于河是也厲砥石也鍛治鐵也止基
止居之基理授田也皇過二澗名旅客也新遷曰旅
芮水名禹貢作洎水內曰洎水外曰鞠卽就也

公劉六章章十句

河通酌彼行潦

老

挹

斟

彼注茲

叶

可以餽

分饌

叶

豈弟君子

叶

與茲

民之父母

叶

○河酌彼

彼行潦

挹彼注

茲可以濯

雷

豈弟君子

民之攸歸

叶

○河酌彼

行潦

挹彼注茲可以濯

叶

豈弟君子民之攸

叶

塈

古序曰河酌召康公戒成王也毛公曰言皇天親有

德饗有道也○朱子謂序語意疎非也朱以泂酌三
句爲無義之興而毛以爲黍稷非馨之比蓋餼餼濯
漑祭祀之事孟子云雖有惡人齊戒沐浴可以事上
帝況有道德如豈弟君子者乎故以行潦比皇天親
有德饗有道所謂明德惟馨也○章一道間之積水非
甚明潔也遠取而酌之彼器以待澄清然後挹取而
注之此器亦可濯沃餼米爲酒食以供神明人能洒
濯自新則精誠可格天而況豈弟樂易之君子實爲
民父母明德之薦不馨于黍稷乎○章二遠酌行潦挹
彼注此猶可濯祭器之罍況豈弟君子爲人心所歸

不可以格鬼神乎○三遠酌行潦挹彼注茲猶可濯
漑而況豈弟君子民所安息不可以孚祖考乎○河
遠也行潦道傍積水也餽米蒸一熟也饌酒食也蠶
祭器也漑洗也

河酌三章章五句

有卷

奉

者阿飄風自南

休叶

豈弟君子來游來歌

與阿叶

以

矢其音

○伴與爾游矣

休叶

優游爾休矣

豈弟君子俾爾彌

爾性似先公酋

因

矣

○爾土宇

板

版章亦孔之厚

虎叶

矣

豈弟君子俾爾彌爾性百神爾主矣○爾受命長矣第

祿爾康矣豈弟君子俾爾彌爾性純嘏

假

爾常矣○有

馮平有翼亦有孝有德以引以翼豈弟君子四方爲則

○頤頤容印印昂如圭如璋令聞聞令望亡豈弟君子

四方爲綱○鳳凰于飛翾翾其羽亦集爰止藹藹王

多吉士史維君子使媚于天子○鳳凰于飛翾翾其羽

亦傳于天歷藹藹王多吉人維君子命媚于庶人○鳳

凰鳴矣于彼高岡梧桐生矣于彼朝昭陽奉奉上萋

萋離離皆○君子之車旣庶且多君子之馬旣閑

直馳矢詩不多維以遂歌

古序曰卷阿召康公戒成王也毛公曰言求賢用吉

士也○朱子改爲召康公從成王遊于卷阿因王歌

而和之非也。毛云求賢者擇相也。用吉士者審庶官也。人主擇相相擇庶官則羣賢輔而天下治。召公教王求豈弟君子以用吉士媚天子而愛庶民猶秦誓之求休休一个臣也。德莫大于豈弟指周公之爲冢宰以流言避位而成王疑忌師保召公不懌故作此詩諷王末章及車馬欲王迎周公復相位以安庶官耳。及公歸亦作君奭師保同心吐握下士周道以隆所謂豈弟君子俾爾彌性者此也。朱傳以君子爲成王誤矣。南風卷阿比人主溫恭好賢檐下曰阿鄭以爲山阿而朱子因謂王與召公遊卷阿之上尤誤矣。

考工記云四阿重屋士昏禮亦云當阿東南秦有阿房亦謂深宮曲房也後世詩有熏風自南來殿角生微涼之句卽用卷阿飄風南來之意○章一有卷然曲之檐阿則迴旋之飄風自南來堂高檐曲故熏風迴旋以入人主屈已虛懷則善言樂告亦猶此大賢負易簡之德豈弟之君子也庶其觀光而來游乎喜起而來歌乎君臣相悅意氣交暢有懷必吐以陳其德音矣○章二方今運際昇平伴渙哉爾之游閒也萬幾清宴優游哉爾之休息也必有豈弟之君子乃能薰陶輔養使爾彌其德性進脩罔懈繼續先公艱難之

業未有終矣○

章三

爾今土宇內夏外夷販大章明無

艱脆之患何孔厚也必有豈弟之君子輔養君德使
爾彌益其德性永爲內外百神之主矣○

章四

爾承受

累世之命其來長矣無締造之勞福祿爾集亦旣康
矣必得豈弟君子使爾彌久其德性則純全之福可
常享矣○

章五

賢材無盡有可憑以爲依者有可翼以

爲輔者有孝行者有道德者以引爲先後以翼爲左
右有豈弟君子以端百揆則衆正向風四方自爲之
則矣○

章六

其容貌頤頤然莊嚴卬卬然高朗其德行

純粹如圭璋之貞潔聞之則有美聲望之則有善儀

如此者，真豈弟之君子也。碩德重望，不爲四方之綱
領乎？○七鳳凰文明之瑞，翹翹然飛集于所止，羣賢
猶鳳凰也。馮翼孝德，藹藹王多善士，但得豈弟君子
休休有容，惟其所使，皆媚愛乎天子矣。○八鳳凰于
飛，翹翹其羽，翔千仞而上，亦傳于天矣。羣材靈鳳也，
藹藹王多善人，但得豈弟君子，惟其所命，而媚愛庶
民矣。○九鳳凰之鳴，不于卑陋，必于高岡明顯之地。
梧桐之生，不于幽谷，必于朝陽向明之方。二物相須
也，梧桐拳拳萋萋而茂盛，則鳳凰雖雖喈喈而來鳴。
賢才之擇主，亦若此矣。○十今君子之車，旣衆且多。

矣。君子之馬，旣閑且馳矣。有此車馬，不用以徵聘錫予，不爲長物乎？陳詩不多，維以此事遂作歌耳。非敢自以爲來游之歌也。○卷曲也。曲阿，猶言曲榭迴廊也。飄風，回風也。自南和氣也。君子，指大賢矣。陳也，伴奐，安舒也。彌，增益也。性，德性。似嗣也。先公，指太王以上王業所自起也。酋，終也。久也。旼，大也。章明也。弗，祿卽福祿。馮，憑通。頤頤，莊敬貌。卬卬，高朗貌。颯颯，羽聲。藹藹，衆盛貌。梧桐，一木。山東曰朝陽。華華，萋萋，茂盛貌。

卷阿十章。六章章五句。四章章六句。○按自此以上

十八篇文武成三王之詩古序次第井然義理明切
有何牽強附會而朱傳一切改作誠所未喻

民亦勞止汙

陳

可小康惠此中國以綏四方無縱詭隨

以謹無良式遏寇虐憚不畏明判柔遠能邇以定我王

○民亦勞止汙可小休惠此中國以爲民逋無縱詭隨

以謹憚歎式遏寇虐無俾民憂無棄爾勞以爲王休

○民亦勞止汙可小息惠此京師以綏四國亦無縱詭

隨以謹罔極式遏寇虐無俾作慝敬慎威儀以近有德

○民亦勞止汙可小憊

器

惠此中國俾民憂泄異無縱

詭隨以謹醜厲式遏寇虐無俾正敗刪戎雖小子而式

弘大

帝叶

○民亦勞止汙可小安惠此中國國無有殘無

縱詭隨以謹繾綣櫛式遏寇虐無俾正反叶王欲玉女

是用大諫

叶平聲

古序曰民勞召穆公刺厲王也○朱子改爲同列相

戒非也古人戒君不敢直斥至呼蓋臣僕夫豈可拘

篇中稱爾戎小子便謂戒同列乎

章一

國以民爲本

今民亦疲勞矣庶幾可小安乎京師四方根本愛此

京師之民以安四方可也民之不安由于小人無縱

詭詐隨順之輩使讒諂不行以防無良之人遏止寇

虐之慘然不畏天命者則可柔撫遠方順習畿甸而

安定我王矣○

章二民亦勞止，汔可小休乎？愛此中國，

以爲民聚，勿縱容詭隨，以防其謹，諱用遏寇虐，無使

民憂，庶不毀爾前功，爲王治平之美矣○

章三民亦勞

止，庶可止息乎？惠此京師，使四國卽安，無縱詭隨，以

防其不測，式遏寇虐，無使爲隱，慝能敬慎，威儀親近，

有德則邪慝自遠矣○

章四

民亦勞止，庶少愒息乎？惠

此中國，使民憂患泄除，無縱詭隨，以防醜惡之輩，式

遏寇虐，無使正道敗壞，汝雖小子，關係弘大，不可不

謹也○

章五

民亦勞止，庶可小安，惠此中國，使無殘傷，

無縱詭隨，以防固結之姦，式遏寇虐，無使正道反常，

王欲愛汝是用大諫正于汝也○汔庶幾也中國京
師也詭隨詭詐順隨也寇虐賊害也憯慘通殘忍也
明明命也柔安也能習也遠則柔以安之近則能以
習之速聚也猶好速之速憯惓猶謹誼亂聽也罔極
不測也惓息也泄去也正敗正道敗壞也戎汝也繾
綣小人固結也正反正道反覆也玉女寶愛汝也
民勞五章章十句

上帝板板下民卒瘁出話不然爲猶不遠靡聖管管
不實於亶猶之未遠是用大諫○天之方難
念叶無然

憲憲叶天之方蹶貴無然泄泄異辭之輯矣民之治叶

矣辭之懌矣民之莫叶矣○我雖異事及爾同僚我卽

爾謀聽我囂囂叶我言維服勿以爲笑叶平先民有言

詢于芻初蕘仇○天之方虐無然謔謔學老夫灌灌小

子躑躑覺匪我言耄叶末爾用憂謔多將煇煇霍不可

救藥○天之方憊賄無爲夸毗皮威儀卒迷善人載尸

民之方殿屎希則莫我敢葵喪亂蔑資曾莫惠我師○

天之牖西民如堦董如篴池如璋如圭如取如攜奚攜

無曰益牖民孔易叶民之多辟無自立辟○介人維藩

几大師維垣大邦維屏大宗維翰叶懷德維寧宗子維

城無俾城壞叶無獨斯畏○敬天之怒無敢戲豫敬天

之渝無敢馳驅昊天曰明叶及爾出王昊天曰旦及爾

游衍叶

古序曰板凡伯刺厲王也○朱子據詩中稱爾我改

爲同列相戒之辭非也說見民勞○章一上帝板板然

無所變通今下民盡病矣其出令不合理其謀政不

久遠謂天下無復有聖人管管然小有所見而自用

假爲忠信而不實之于亶汝謀慮未遠是用大諫於

汝也○章二天方艱難無若是憲憲然喜而不懼也天

方動蹶無若是泄泄然放而不收也王者出令遠近

承式爾惟辭之輯而不乖乎天理則脗合羣心而民

治矣辭之懌而不傷于暴戾則不拂衆志而民安矣

○

三章

我與爾職雖各異然同爲王臣我就爾忠言相

謀爾聽我囁囁不受汝雖不受而我言終可佩服勿

以爲笑也先民有云問于芻蕘況寮友乎

○

四章

天方

爲虐將有喪亡之禍汝無詭譎然戲侮老夫濯濯然

效其誠款小子躊躇然恃其驕慢豈我昏耄妄言實

爾以憂爲戲耳惡盈禍烈如火熇熇將無可救之藥

矣

○

五章

天方威怒爾無爲夸張以自獎諛勿爲護毗

以求親媚勿使威儀顛倒迷亂勿使善人如尸不得

有爲民方愁苦呻吟莫敢揆度其故喪亂無所資生

曾無有惠愛我衆民者矣○章六民之戴君如天天生
民與以良知猶牆塞開牖明來暗去以人因天如吹
堦而箴和必協也如璋比而成圭必合也如物在而
取如取物而攜必得也其攜也非曰本無而益之因
其固有耳牖民不甚易乎今民多邪辟豈無良心惟
上無以牖之爾慎無自立邪辟導之可也○章七國以
善人爲藩籬衆民爲垣墻大邦爲屏蔽巨室爲翰榦
君脩德懷之則無不安寧同姓宗族之子爲城守有
德則同姓相輔無德則親戚離叛慎勿使親戚叛而
城壞獨居斯可畏矣○章八人主雖尊莫尊于天敬天

之怒無敢戲豫耽樂也敬天之變無敢馳驅慢遊也
昊天甚明凡爾出往天無不俱昊天甚且凡爾游行
天無不俱或善或惡焉能逃之○上帝指王也板板
剛復自用之貌卒瘁盡病也話號令也不然不是也
靡聖非聖也管管見小自用貌亶信也不實亶假爲
信也憲憲猶欣欣騖動也泄泄舒散也辭命令也輯
和也洽合也懌懌莫定也僚同官也服行也芻牧
草也萋萋草也濯濯猶款款也蹻蹻驕貌煇煇火盛
貌濟怒也夸張大也毗親附也尸不動作也殿屎呻
吟也葵揆通度也蔑無也資生計也師衆民也牖窓

戶所以通明。壙。旒。解見小雅何人斯之篇。辟邪僻也。
介人善人也。或曰大也大德之人也。大宗強族也。宗
子同姓也。王與往通渝變也。旦明也。衍泛游也。
板八章章八句

毛詩原解卷二十八終

毛詩原解卷二十九

蕩之什

自此至終凡十一篇

蕩蕩上帝下民之辟必疾威上帝其命多辟僻天生烝

民其命匪諶忱靡不有初鮮克有終叶○文王曰咨咨

女汝殷商曾是彊禦曾是掊抔克曾是在位曾是在服

叶天降慆叨德女興是力○文王曰咨咨女殷商而秉

義類彊禦多慆流言以對寇攘式內侯作詛侯祝靡屈

靡究○文王曰咨咨女殷商女魚休孝于中國斂怨

以爲德不明爾德時無背無側爾德不明以無陪培無

卿○文王曰咨咨女殷商天不洎免爾以酒涉不義從

式知既愆爾止靡明靡晦毀式號式呼護俾晝作夜遇

○文王曰咨咨女殷商如蜩調如蟾同如沸如羹叶小大

近喪系人尚乎由行杭內變于中國覃及鬼方○文

王曰咨咨女殷商匪上帝不時受殷不用舊雖無老成

人尚有典刑曾是莫聽平大命以傾○文王曰咨咨女

殷商人亦有言顛沛之揭結枝葉未有害紇本實先撥

泊殷鑒不遠在夏后之世涉

古序曰蕩召穆公傷周室大壞也毛公曰厲王無道

天下蕩蕩無綱紀文章故作是詩也○按此詩刺周

室蕩敗故古序斷取篇首蕩字爲目而毛公釋其義
云天下蕩蕩者猶漢廣之云德廣所及也德廣與漢
廣不相蒙天下蕩蕩與蕩蕩上帝不相蒙皆說詩斷
章取義之法朱子非之拘也○章一蕩蕩廣大之上帝
下民之君也今上帝疾甚其威降于下者多邪僻之
命非天命果僻人自陷溺之耳蓋天生衆民其命不
可信降生之初本無不善而人暴棄鮮能善終命若
何可信乎○章二昔我文王嘗嘆殷商曰嗟哉汝殷商
之君曾是彊梁禦善之人曾是掊擊克伐之人曾是
使之居位曾是使之服事乎此皆天降惛慢之德汝

自興起而力用之也

○章三

文王曰嗟嗟汝殷商汝爲

人君當秉持善道可也彼彊禦多怨之人爲無根之

言以應對是寇盜攘竊用以居內衆怨叢生詛咒交

作無有屈極窮究矣

○章四

文王曰嗟嗟汝殷商汝烈

然然矜氣勢以陵暴中國聚民之怨以爲己德是非

顛倒不明由爾背後旁側無賢人也爾德不明由爾

無陪貳大臣無賢六卿也

○章五

文王曰嗟嗟汝殷商

天不沈湎爾以酒使爾不義從法爾自喪其容止無

明無晦叫號謹呼以白晝爲長夜昏淫甚矣

○章六

文

王曰嗟嗟汝殷商百度荒亂上下昏潰譟如蜩蟬湧

如沸羹。大小臣民死喪將至，尚由此而行，不肯改步。
內鬯怒于中國，延及鬼方之遠，無人不怨者矣。○七
文王曰：嗟嗟汝殷商，非天時不善，乃汝不用舊耳。今
縱無舊人，尚有舊法，汝惟不聽，所以大命傾覆也。○
八文王曰：嗟嗟汝殷商人，亦有言：大樹忽然顛沛，揭
露根本，其枝葉未有損傷，惟根本先絕，所以顛沛。君
身本也，天下枝葉也。君先自壞，然後天下從之。昔者
夏桀之亡，以此殷商之鑒，近在夏世。今日之鑒，卽在
殷商之世矣。○辟，君也。多辟，多邪僻也。烝民，衆民也。
諶，信也。咨，嗟也。殷商，指紂也。曾，嘗也。彊禦，彊梁禁禦。

也。陪。陪。通。棒。擊也。克。勝也。指。酷吏輩。或云。陪。裏。通。聚。斂也。慝。慢也。興。進用也。而。秉義類。爾。執善道也。寇。攘。竊奪也。式。用也。式。內居中用事也。侯。維也。作。詛。通。盟。誓也。祝。呪。通。怨罵也。屈。極也。究。窮也。怩。然。怒氣也。背。側。前後左右也。陪。貳也。天子之陪。貳三公也。洎。醉變。色也。從。式。從用也。止。容止也。蜩。蟬也。蟾。蜩屬。蜩。蟾。沸。羹。皆。亂意。曩。張目怒貌。鬼。方。遠夷也。典。刑。常法也。顛。倒也。沛。什。通。忽。頽之貌。揭。根見也。撥。絕也。

蕩八章章八句

抑抑威儀。維德之隅。人亦有言。靡哲不愚。庶人之愚。亦

維疾

祭叶

哲人之愚亦維斯戾○無競維人四方其訓

之有覺德行四國順之訏謨定命遠猶辰告

格叶

敬愼威

儀維民之則○其在于今興迷亂于政

真叶

顛覆厥德荒

湛于酒

醺叶

女雖湛樂從弗念厥紹罔敷求先王克共

拱

明刑

制叶

○肆皇天弗尚

常叶

如彼流泉無淪胥以亡夙興

夜寐洒埽庭內維民之章脩爾車馬弓矢戎兵

那叶

用戒

戎作用邊蠻方○質爾人民

茂叶

謹爾侯度用戒不虞

昭叶

愼爾出話

和叶

敬爾威儀

能叶

無不柔嘉

戈叶

白珪之玷

點叶

尚

可磨也斯言之玷不可爲

訛叶

也○無易由言無曰苟

舉叶

矣莫捫朕舌言不可逝

始叶

矣無言不讐無德不報

哀叶

惠

于朋友

以叶

庶民小子

叶

子孫繩繩萬民靡不承○視爾

友君子輯柔爾顏

言叶

不遐有愆相在爾室尚不愧于屋

漏無曰不顯莫予云觀神之格

各叶

思不可度

折叶

思矧可

射

碩叶

思○辟

必

爾爲德俾臧俾嘉

戈叶

淑慎爾止不愆于

儀

俄叶

不僭不賊鮮不爲則投我以桃報之以李彼童而

角寶虹小子○

在

惟

染柔木言緡

民

之絲溫溫恭人維

德之基其維哲人告之話言順德之行其維愚人覆謂

我僭

使叶

民各有心○

於

鳥

乎

小子未知臧否

鄙

攜

溪

之言示之事

上聲

匪面命之言提其耳借曰未知亦

慕

成○昊天孔昭

照叶

我

生靡樂

叶

視爾夢夢我心慘慘

叶

誨爾諄諄聽我藐藐

貌叶

匪用爲教覆用爲虐

叶

借曰未知亦幸旣耄

冒

○於

乎小子告爾舊止聽用我謀庶無大悔天方艱難曰喪厥國取譬不遠昊天不忒回遹其德俾民大棘

古序曰抑衛武公刺厲王毛公曰亦以自警也○朱子改爲武公自警而作非也詩中侯度小子等語皆自責以告王昔商紂荒于酒微子曰我沈酗于酒孝子諭親必先自責忠臣誨君引爲已過詩言溫厚故導君惟以自警幽王距厲王所百年矣武公爲幽王卿士追惟往事以明鑒戒故曰告爾舊止曰言示之

事曰取譬不遠蓋指流彘之事也國語云武公年九十有五猶箴傲于國此詩作于晚年故曰亦聿旣迄或疑其在于今非追刺語夫追刺而言今猶敘他人事而稱我云爾何害其爲追言也○章一抑抑然愼密之威儀乃心德之廉隅外之廉隅齊整則其內方正可知豈有外貌邪慢而內存貞德者人亦有言君子容貌若愚未有哲人不愚者此言不可訓也夫田野庶民不學而麤鄙若愚氣質之偏爲疾宜也學士大夫備身爲本亦麤鄙無異庶民則垂其常矣○章二天下莫彊于人不可以威服維有德則四方訓而從之

蓋德人所同有明白坦直覺然共由四國自順之矣
政令者國之經訐大其謨勿見小利堅定其命無事
紛更遠其謀猶務圖久安辰其告戒務中時宜至于
威儀脩身之本敬而慎之則表極端而民以爲則矣
○三章其在于今尚迷亂于政國不治矣顛覆其德身
不脩矣惟荒湛于酒而已女雖湛樂是從獨不念所
承繼者先人之緒乎不肯廣求先王之道拱奉其明
法也○四章故今皇天弗好尚汝所爲如彼下流之泉
早隄防之無使淪沒相率以亡可也爲今之計當早
起夜卧洒埽宮庭之內凡朝家之事孜孜不懈以爲

民表又脩爾車馬與弓矢戎兵戒備戎作以邊疆方
遠慮豫防庶免淪亡耳○韋質爾之臣與爾之民勿
習浮靡謹爾諸侯所守之度勿壞王章如是則可以
備不虞之變慎爾出言敬爾威儀必求和柔嘉美白
玉爲主有缺尚可磨鑢言語一缺不可復補焉得不
謹也○韋無輕易自由其言無曰苟且言之耳無人
爲我執持其舌者豈可任意使之逃而不追乎未有
言出人不讐怨未有施德人不厚報者苟能有德有
言惠順于羣臣朋友及庶民小子則子孫繼繼繼述
萬民承聽矣○韋視爾羣居友君子和柔爾顏色相

接心猶自傲曰其未遠于愆乎。及視爾在室未見君子亦有此心否。室有屋漏尚不愧屋漏可也。勿曰此不顯之地人莫予見。天下或有人不見之地無有鬼神不體之處鬼神無形其來不測雖敬猶恐其至也。況可厭怠不敬乎。○軼天下法爾以爲德爾當使之臧善使之嘉美善慎爾之容止不愆于威儀不僭差不賊害則鮮有不爲人法者。如人贈我以桃必報以李。自然之應若身不善而責民善猶童羊而責以角惑亂小子耳。有是理乎。○軼荏染和柔之木乃可以緝絲爲弦而成弓如溫溫謙恭之人乃能虛已受善。

而立德何也。哲人告以話言。則順其德而行。彼愚人反謂我言不信。智愚相越之遠如此。溫恭所以爲德之基也。○韋於乎小子。涉世尚淺。未知好醜。非但手攜汝也。且示爾往日已驗之事。非但面命爾也。且提其耳而丁寧之。借曰未有知識。亦既年長。抱子爲人父矣。惟其志氣盈滿。不肯受善。所以無成。儻人不自盈滿。豈有早知。又晚成者乎。○韋天道甚明。人生何樂。視爾夢夢不悟。我心慘慘。自憂誨爾。諄諄至詳。聽我藐藐。無有不以爲教。而反以爲害。借曰爾未有知。年亦遂已耄矣。○韋於乎小子。告爾既往前事之失。

後事之師。聽用我謀。庶免大悔。天方艱難。將喪厥國。
取譬不遠。昔者之事。天道禍淫。不差忒也。邪僻其德。
使民至于大急。自取之耳。○隅。棱角也。覺明直也。託。
大也。辰時也。興迷亂尚昏亂也。敷求。廣求也。共拱同。
執也。明刑明法也。肆。遂也。弗尚。厭棄也。章。表也。邇遠。
也。質。淳朴也。人民。臣民也。侯度。諸侯所守之法度。由。
言。任意言也。苟。聊且也。朕。我也。捫。持也。逝。猶放也。讐。
怨也。惠。順也。庶民。小子。猶言國人子弟也。輯。柔。和柔。
也。不遐。猶近也。庶幾之意。屋漏。室西北隅。通明處也。
辟。法也。無角曰童。旣云童。又云角。潰亂之語。虹者。不。

正之氣須臾散滅故潰亂曰虹也舊往事也取譬不遠指厲王流彘之事也

抑十二章三章章八句九章章十句

苑彼桑柔其下侯甸持采其劉與柔痼此下民不殄心

憂與倉兄悅通填顛今倬彼昊天叶寧不我矜○四

牡駉駉葵旃旒有翩叶亂生不夷與葵靡國不泯民靡

有黎與夷具禍以燼叶於乎有哀叶國步斯頻叶○國

步蔑資天不我將叶靡所止疑云徂何往君子實維秉

心無競講叶誰生厲階雞叶至今爲梗上叶○憂心慙慙念

戎二字我生不辰逢天憚宜怒叶自西徂東叶靡所定

處多我覲

民

孔棘我國

語

○爲謀爲愆

必

亂況斯削

告爾憂恤

誨

爾序爵

誰

能執熱

有

逝不以濯

其

何能淑

載胥及溺

叶

○如彼遯

素

風

分

亦孔之優

愛

民有肅

心

平

云不逮好

聲

是稼穡力

民

代食

稼穡維實

代

食

維好

上

○天降喪亂

勅

滅我立王

降

此蠹賊

稼穡卒瘁

哀恫中國

葉

具贅卒荒

靡

有旅力

列

以念穹蒼

○維此

惠君民人所瞻

張

秉心宣猶

考

愼其相

維彼不順

自

獨

俾臧自有肺腸

俾

民卒狂

○瞻彼中林

牲牲

革

其鹿朋

友已譖

使

不胥以穀

人

亦有言

千

進退維谷

○維此聖

人瞻言百里

維彼愚人

覆狂以喜

匪

言不能胡斯

畏忌

已叶○維此良人弗求弗迪維彼忍心是顧是復民之貪

亂寧爲荼毒○大風有隧歲有空大谷維此良人作爲

式穀維彼不順征以中垢叶○大風有隧貪人敗類聽

言則對誦言如醉匪用其良覆俾我悖○嗟爾朋友予

豈不知而作如彼飛蟲時亦弋獲旣之陰去聲女反予來

赫○民之罔極職涼善背叶爲民不利如云不克民之

回遹職競用力○民之未戾叶職盜爲寇叶涼曰不

可叶覆背善詈利雖曰匪予叶旣作爾歌與可

古序曰桑柔芮伯刺厲王也○章宛然茂盛之桑始

生葉柔其蔭旬徧可以休息惟持採殘剝病此下民

不得受此矣。王政殘虐，天下彫敝，何以異此？是以心
憂不絕，倉卒怵慄而顛危倬然。大明之昊天寧不我
哀矜乎？○章二方今征役煩興，四牡騤騤，不息旃旆，翩
翩飛揚，亂日生而不平。無國不滅，無有黎民不遭禍
爲灰燼者矣。於乎！惟有哀傷耳。國運頻促，何能久乎？
○章三國運無依，天不我助，欲止無所向，欲行無所往。
世路梗塞如此，君子存心自無有爭，不知誰生禍階。
至今爲梗塞乎？○章四憂心慙慙，念我土宇，昔敗章而
今侵削矣。我生不時，逢天厚怒，自西京至中原，無有
安居之所。我之見病已多矣。我之邊圉甚急矣。○章五

王不用賢以兵戢亂是爲謀爲慎而亂反滋國反削也今告爾以可憂之事誨爾以當序之爵賢人已亂猶水止熱誰能執熱不以水濯手王欲已亂不用賢人其何能善有相及于陷溺而已○六王不用賢故賢不樂爲用如彼逆風而行甚僂吧而不得舒民有欲進之心常恐以仕招禍曰吾願不及此矣甘心稼穡竭力民事以代祿食稼穡雖勞無禍今之實也代食雖貧自得以爲好也○七天降喪亂滅我所立之王降此蠹賊稼穡盡病哀恫哉中國俱危盡空無有衆人同心協力仰念穹蒼以回天變者也○八維此

順理之君。民人瞻仰。內秉善心。外宣嘉謀。考擇其輔。
相。維彼不順理之君。以獨見爲善。自有肺腸而不通。
衆志。上驕下慢。使民盡至于狂亂而已。○孰視彼林
中。鹿甞甞然爲羣。僚友相讒。不以善道相與。曾鹿之
不如矣。人亦有言。進退如臨于谷。今日之謂也。○章十
維此聖哲之人。所見而言者。照徹百里之外。王不能
用。維彼愚暗之人。反惑以爲喜。邪正之辨。我非不能
言也。言則招禍。如此畏忌。何哉。○章十一維此善人。王
不求訪。不迪行。維彼殘忍之人。顧念重複。用舍顛倒。
民心不服。所以喜其亂亡。而安爲荼毒也。○章十二狂

風之來必有隧道多出于空虛之谷君不信仁賢小人乘虛而入亦猶此也維善人作法于善本無可指彼不順之人欲攻善人必以隱慝蓋其立朝大節皎然明白惟污以曖昧之事使君子無由自明是則小人所以空虛人國家者矣○章三大風之行有道貪人敗壞善類猶風也欲人聽從已言則以辭色接對若人指陳時事誦說則警然不顧如醉者矣旣不信善人又欲人附已是他悖亂而復使我爲悖亂也貪人之行其道如此○章十四嗟爾朋友予豈無見焉此言如彼飛鳥仰天而射時亦見獲吾言豈無一中乎

本欲微婉勸諭惟恐顯揚汝惡而汝反無顧忌加赫

怒于我也○

章十五

民之禍亂不測者專由小人陽爲

直諫而巧于欺背爲民不利之事如恐不勝故今民

爲邪僻專爭不遺餘力徂詐相尚激成禍亂所以罔

極也○

章十六

民之未定專由盜臣爲寇害耳其佯爲

信也亦曰惡不可爲及其反背也工爲詈罵變詐如

此雖自文曰匪予然我已作爾歌矣情狀暴露烏得

而揜之○

旬徧也捋采取葉也剗畱通殘也葉希疎

之貌詳見王風丘中有麻癘病也倉倉卒兄恍同昏

也填顛通危也夷平也泯滅也黎黔首也靡有黎言

彫耗也。頻促也。蔑資無依也。將扶也。疑疑立也。立不正。向曰疑。鄉飲酒禮賓疑立西階上是也。徂往也。無競無爭也。梗塞也。憚怒厚怒也。覲瘠見病也。棘急也。圉邊也。悲愼也。況滋也。序爵論官也。遡向也。僂氣悶不得息也。肅進也。猶主人肅客入之肅。莽抨通使也。卽莫予莽蜂之莽云。自言也。不逮猶云免我也。卒瘁盡病也。贅綴通危意也。荒空虚也。旅力衆力也。穹蒼天形穹窿色蒼然也。惠順也。猶謀也。考察也。愼審也。相輔也。甡甡衆多並行也。朋友羣臣也已。以通胥相也。穀善也。谷窮也。遇坑谷則窮也。瞻言有見而言也。

百里遠也。胡何也。適行也。貪亂利于爲亂也。荼苦也。
蟄蟲也。大風狂風也。隧道也。式法也。穀善也。征攻
逐也。中垢隱惡也。謂誣以曖昧不明之事。敗類害善
類也。聽言欲人聽己之言。對答也。誦言人述事之言。
如醉不聽之狀。悖背理也。蟲動物之總名。飛蟲羽蟲
也。鳥屬也。以絲繫矢射也。陰覆蓋也。赫盛怒也。罔極
禍亂不測也。職專主也。涼諒通信也。善背猶言易反
覆。所謂不實于亶也。不利害民也。競爭也。用力不遺
餘力。言無所不至也。戾定也。善詈工爲毀罵也。
桑柔十六章八章章八句八章章六句

倬彼雲漢。昭回于天。叶王曰於烏乎。叶何辜今之人。天

降喪亂。饑饉薦臻。靡神不舉。靡愛斯牲。圭璧既卒。寧莫

我聽。平聲○旱既大甚。蘊隆蟲蟲。不殄因殄。祀自郊徂

宮。上下奠瘞。意靡神不宗。后稷不克。上帝不臨。叶耗斁

如妒下土。寧丁我躬。○旱既大甚。則不可推。送平聲兢兢業

業如霆。如雷。周餘黎民。靡有孑遺。叶昊天上帝。則不我

遺。胡不相畏。先祖于摧。○旱既大甚。則不可沮。祖赫赫

炎炎。云我無所。大命近止。靡瞻靡顧。叶羣公先正。則不

我助。叶楚父母。先祖胡寧忍予。叶○旱既大甚。滌滌葉山

川。叶旱魃跋為虐。如惓談如焚。我心憚暑。憂心如熏。羣

公先正則不我聞。昊天上帝，寧俾我遯。叶○旱旣大甚，
罪勉畏去。胡寧殄叶我以旱，慴叶慴不知其故。祈年孔鳳，
方社不莫。暮昊天上帝，則不我虞。叶敬恭明神，宜無悔
怒。○旱旣大甚，散無友紀。鞠哉庶正，疚哉冢宰。叶趣楚
馬師氏，膳夫左右。叶靡人不周，無不能止。瞻卬叶昊天，
云如何里。○瞻卬昊天，有嘒惠其星。大夫君子，昭假無
羸。大命近止，無棄爾成。何求爲我，以戾庶正。叶瞻卬昊
大曷惠其寧。

古序曰：雲漢，仍叔美宣王也。毛公曰：宣王承厲王之
烈，內有撥亂之志，遇裁而懼，側身脩行，欲銷去之天。

下喜於王化復行百姓見憂故作是詩也○朱子改
謂述王仰訴于天之辭非也蓋據王曰二字以爲述
耳詩美刺多託言豈必夜半宮中王果仰天作此等
語乎○章一倬然大明之雲漢昭明回旋于天夜晴則
天河明此旱徵也吾王仰天嘆曰於乎今人何罪天
降喪亂饑饉重至也今我無神不祭犧牲不愛以玉
幣禮神圭璧且盡矣而何其不我聽邪○章二天久不
雨旱旣大甚暑氣蘊積隆盛蟲蟲然熏蒸禱祀不絕
從郊至廟上天下地奠其品瘞其物無神不尊事矣
莫親于后稷降臨而力不能救莫尊于上帝能救而

不降臨與其耗敗下土寧災禍當我一人之身耳○
三旱旣大甚災由人致何可推諉兢兢業業如霆雷
作于上不勝危懼也周昔中衰餘民幾何今凶年死
亡一民無遺矣天將并我不遺何得不相畏乎祖宗
之業行自我而摧滅矣○四旱旣大甚不敢謂人力
無何沮止不救也赫赫炎炎無容身之所死亡將至
無所瞻仰惟昔有德之羣公與爲官正者皆雪祀所
及也旣不見助父母先祖情至相關何寧忍予乎○
五旱旣大甚條條如洗山無木川無水旱鬼爲厲如火
熒焚我心畏暑憂如熏炙羣公先正視若罔聞耳

昊天上帝何不使我逃避而去別求賢者以安民也
○六章旱旣大甚我欲遜去天怒民怨黽勉不敢何乃
病我以旱慘哉莫知其故祈年之祭則甚早矣方社
之祭亦不遲矣昊天上帝曾不虞度以我敬恭明神
亦可以無恨怒矣○七章旱旣大甚臣鄰渙散無復綱
紀庶官之長鞠哉窮矣冢宰疚哉病矣掌馬政之趣
馬守王門之師氏掌飲食之膳夫與近侍之左右無
一人不周徧祈救無力不竭而不能止此災瞻仰昊
天使我何所俚賴乎○八章瞻仰昊天有嘒然之星方
未有雨徵也大夫君子昭格于天者無餘力矣天苟

不雨死亡將至爾無棄前功更求昭格可也此非爲
予一人爲定衆正也民生不遂衆正不安瞻仰昊天
何不惠我以安寧乎○雲漢天河也水氣之精爲漢
昭明也回轉也薦重也臻至也圭璧所以禮神也卒
盡也蘊積也隆盛也蟲蟲熏也宮宗廟也上祭天也
下祭地也瘞埋祭物于土也宗尊也克能也臨降臨
也黜敗也丁當也推諉也兢兢懼也業業危也霆疾
雷也子獨也遺賸也摧滅也沮止也赫赫旱氣炎炎
熱氣先正先世爲百辟卿士有益于民者禮仲夏則
雩祀之滌滌山川山童川竭也魃旱鬼也憊熱中也

言乃解 卷二十九 二十六
憚畏也。黽勉忍耐。意畏去不敢去也。癘病也。祈年。孟
冬天子祈年于天宗。孟春上辛郊祀上帝。祈穀也。方
祭四方社。祭后土。虞度也。友紀。百官之政紀也。鞠窮
也。毛氏曰。凶年穀不登。趣馬不秣。師氏弛兵。膳夫徹
膳。左右布而不脩。大夫不食梁。士飲酒不樂。周徧也。
謂人人祈禱賑救也。里俚同。聊賴也。嘒明貌。羸餘也。
戾定也。庶正庶官。卽大夫君子也。寧安也。
雲漢八章章十句

毛詩原解卷二十九終